

子良詩存

子良詩存卷二十

番禺馮詢

瀛壖雪騎圖爲徐孟卿都轉

志導題瀛壖古河間郡咸豐三年

粵賊北竄都轉從戎因作是圖

一別二十年見君詫顏色貌瘠神不疲眉有黃氣積謂
苦百戰勞暫養六月息每談家國事慷慨及鋒鏑示我
雪騎圖屬我雪騎歌朔方玉戲翻金戈健兒十萬甲且
襄衝寒走馬馳明駝瓊瑤踏碎平山阿轉憶蘇軾蘇武
鶴鵝李翹天以雪鍊英雄多披圖如見滹沱河瀛壖勦功
存良詩存

碑崖摩君也從事親經過紀載必實非旁羅柳往雪來

頻易矣往日功臣今剩幾

圖中紀載僧邱首功今已殉節矣

安危閱盡

看正強便掩紅旂亦雄偉西陲尙烽氛壯士赴如雲軍

書絡繹報捲圖急還君還君此圖意未已爲君題詩望

君起

寄揚州何廉翁

杖

並柬王守翁

惠寶

兩翁俱罷官後業鹽

擺脫風塵俗亦仙揚州能到意踟躕不因手撒三千牘

安得腰橫十萬纏離合悲歡聽曲後盈虛消長運籌先

廿年百戰滄桑感豈獨茫茫斥鹵田

忙甚年光寂靜過等閒風月任消磨老來止酒招朋少
愁裏存詩送客多魚市隱賢空復爾魚鹽之市也虹橋修禊
近如何憑君莫負豪華地玉白花紅好好歌

寄竹漁姪孫上海孫以軍功保擢知府時奉委辦

理洋礮廠工

安危身繫見宏猷料理儲胥治鍊歐今日用夷防變夏
古來太守例封侯曾經萬里筋骸挫安得三軍臂指收
借寇徵黃從此始豈應循治尙戈矛

年華老少路西東宗族盤殮念不窮自別鄉村違杜甫

各隨家室累陶公流傳籍祕陳三篋贈答詩多貯一筒
差喜在山間捷報眼前子弟已成功

陳景賢封翁及其配李太夫人七十雙壽

新秩方升舊業尊

哲嗣芝庭大令繼祖太封翁爲江西藩庫大使時以軍功初擢縣尹也

儲廳趨侍記團藥傳經俯仰開三代捧檄初終共一官
花縣承歡春爛漫萊山偕隱老盤桓婆娑笑我呼前輩
白髮迎顏帶醉看

奉酬楊鳳山廉訪

昇枉過話舊見贈

風月重談亦惘然無窮人事逐時遷理繁治劇三千牘

諸苦停辛二十年，寰海傾清須善後。家鄉能住卽安邊，
廉訪籍甘肅乞假回籍幫辦西陲軍務至是還江而江亦用兵方報肅清也勞勞轉健知天
與一代憂危屬大賢。

仲蔚蓬蒿戶久扃，不求溫飽況求名。長拋故舊音書斷，
便揖公卿禮數生。興到西園仍雅集，窮來東野以詩鳴。
老懷偏爲知交壯，隱矣無文更論兵。

吳錫軒廉訪

兆麟

枉顧湖上有作，不必呈廉訪也。

已分平生一壑邱，幸無名姓可埋頭。斯人不出民何碍，
顯者能來妾勿羞。蹤跡固應雞鳳判，性情只合豕麋遊。

使君別有蕭閒意肯使聲聞入谷騶

魏闕江湖路各通最難迹異却心同古人出處皆如此

今日安危正仗公未識平原緣有待便迴剡曲興無窮

予素未識公面蒙枉顧又以分尊未敢請見也山中顧問酬非易莫漫虛名署

隱翁

看山圖吳筠軒廉訪命題

隨例登臨跋涉輕雲烟過目了無情不知何處修來慧

看出山容徹骨清

身擁青袍僕翠蓑風前雨後影婆娑最蕭疎處偏華潤

曾上

金鑾駐馬坡

同盟文成舊德威後先持節靖江湄廬山卓犖峯無數

公選何峰可勒碑

廬山有王文成紀功碑時江省肅清保章方入告也

想見平生浩蕩襟卷藏聊此寄幽尋坐培元氣無人會
五嶽真形一老心

以兩蒲扇送小初太守

大柄休輕入手中
雙雙持贈意無窮
炎涼隊裏扶搖去
半借迎風半避風

和胡硯生侍御

壽椿

兼柬梅菴上人有序

侍御以和梅菴上人詩見示曩予與黃樹齋侍郎郭羽可中翰訪梅菴上人於法雲律堂爲詩會距今忽忽三十年矣洊遭兵火堂毀復存梅菴上人都講如故予讀侍御和詩頗增今昔之感亦和二章以呈

文章經濟起巍科今日匡時望若何
參角立朝言事重

虎皮歸里育才多

主講友
教書院

行藏肯負踪聊寄治亂能參

論不磨慚愧草元甘寂寞高軒偏爲腐儒過

乍聽高歌興倍增法雲堂憶勝遊曾談經入座誰爲主
避俗尋山我亦曾舊醲重浮春浩蕩新詩纔勒石巒峻
與公便結無遮會却戀禪閒恐未應

題周二禺秀才

金錫小傳

不求致富不登科金玉才華碣石磨萬口爭傳貧勿厭
古來名譽活人多

潘慎之以所藏設色梅竹屬題

梅竹守空山風雪太岑寂相賞應有人努力設顏色各
具天然姿豈藉朱粉施緣亦不必瘦紅亦不必肥綠衣

期正來翠袖倚已久天生佳麗質結伴爲匹偶骨清而
皮妍畫筆形神傳傳成擬誰贈潘郎方少年

喜晤舒季芳壻轉感亡女有作別後函寄

鯉庭趨憶雁行過獨守遺經感若何宦舍儒林循吏傳

直前觀察令兄太守皆仕山左遺澤在人觀察公入祀名宦著有寶觀堂文集家承孝弟力田

科壻繼父兄先三鱣拔地連蹤起一鶚凌霄奮翅摩

苦得歸終樂境愛留長日正融和時奉母家居

一別三年慨歿存冰清玉潤見重論藁砧爲爾悲中婦

壘曰嗟予戀外孫里號集賢新比屋世傳通德舊高門

平消缺陷前程遠且放豪懷置酒樽

爲人題畫羣蝶帳簷

藥香花氣久溫培寶帳如雲忽展開百十幻身皆色相
爲尋春夢一齊來

裏桃核爲泥彈遙射隔湖小山上如桃成亦畫家
艷景一幅也先紀以詩

白雲深處露朱霞粧點人家作酒家曳竹練泥親選核
隔湖飛彈種桃花

章門客集得晤杜次恭貳尹
辰偶敘鄉誼知爲亨

故人洛川廣交令子也爰作贈歌卽送歸里

平生好客老不改覓孟尋韓遍人海轉眼交遊幾輩更
少年裙屐依然在江頭六月炎風吹朋簪脫暑朋酒宜
聯歡歲歲集北海感舊往往追南皮天涯快握手往事
悲回首故人有替人老友呼小友纔開笑口忽復傷從
何說起心徬徨卽論茲會足可惜不飢驅肯辭故鄉世
事悠悠誰夢覺月地花天固如昨東濠口西石角皆珠江地
名夜潮未退朝潮作送盡韶華人不知珠海花田幾榮
落榮落感竹絲聚散驚鼓鼙悲歡離合恍萬劫君少已

強吾老衰昔同里社今路岐我不能歸送君歸君歸傳
語父老知我亦當年弄潮兒吁嗟乎人生有情戀鄉土
歷險經艱去何補願君重泐榜間碑長住太平舊烟許
君與予同里太平
烟許里門題額也

芥杖

選芥菜老根爲杖澤以愈漆色既
華潤而遒勁輕輭較藤杖爲勝也

也知薄植等蒿萊一樣風霜雨露栽肯拔單寒終得力
不經盤錯自成材手握黃金盡心苦先教白髮催
爾雅翼芥
極辛苦穩步低頭休笑拙記從僂僂負牆來芥長僅
等身不

能作過
頭杖也

子良詩存

卷二十

七

初學杖行有作

藤長竹短各情殷，把臂今朝許入羣。
筋力有餘還贈我，因緣到老始逢君。
六根削盡宜無累，四體經多恐不勤。
行樂及時終勿負，酒錢纔挂意醺醺。

遊湖歸舟中漫興

扁舟一葉槳雙枝，日日湖頭攬翠微。
破曉鶯呼遊客出，如期鶴報主人歸。
懶思近市忙閒便，老感離鄉去住違。
准備買山兼買水，不然誰護釣魚磯。

贈黎碧山姻丈

黎以名諸生屢試不售，納粟爲縣丞，復從戎以軍功保舉爲知縣。

英雄何地不騰驤出處須知是幻場一第遇窮卑作吏
萬金揮盡壯辭鄉未逢楚客珠無價纔識荆卿劍有芒
嶺海生才吾與爾故園歌舞越王岡

執鞭負弩總殊勲志士方強肯憚勤揚子老難爲薦客
陶公高不薄從軍風沙要礪逢時器冰雪長携避俗文
記奪錦叢歸淡泊青衫吟嘯立斜曛

予曾集同人爲白芍藥詩社碧山與

焉

莫堯蓀思歸屬題其里宅船廳

贏得張融笑語紛舟居仍以陸居聞功名百里行千里

水竹三分屋一分便有撐持容放浪了無牽繫看歸雲
此中恰受良朋幾樽酒重遊念轉殷

檢故紙得亡壻史覓仙畫蝶追悼小詩四章

一別仙山去茫茫路十洲不知魂夢裏何處是羅浮

悔把花花扇指揮憑狡童可堪單弱質零落付罡風

庸醫所悞

身落風塵裏低昂任俗祛憐渠強作達栩栩復蘧蘧
文章悞一世汝亦腐儒流太息乾蝴蝶書中死不休

范家餅

餅爲范亮旃貳尹家製中秋啖客一時誇美索製章門遂有范家餅之名

官樣秋糕爛似金清廚偏爾味堪尋頭銜畫出家家識

便不充飢亦快心

貳尹清貧
故詩云爾

老夫唇齒半殘傷咀嚼還應細細嘗
七字新詩充說餅
殷勤重問范家方

夢醒

中年易感早深知
夢藥無端亦有期
不識老懷緣底事
夢醒常覺帶餘悲

秋懷柬同社諸子

酷日怨殘景清風標淡姿
老知辭熱好貧覺與秋宜行

樂花三徑登高酒一卮幸無笳鼓響講武剩園池

節物因時換會心皆性靈浪花豚冒險霜葉蟹除腥

持蟹

例以菊
葉洗手淡薄閒中味蕭條倦後形頗教陰翳豁觸處意惺惺

一角東湖地行藏聊自安市聲拋岸遠橋影卧波寒溫飽漁樵易登臨仕宦難世誇屏鄣好秋景不曾看

塵裏蕭閒樂非君孰與同五更聯榻雨千里落帆風目自停琴渺心還看劍雄怕爲悲宋玉作賦不求工

寓樓登高

日日看山只掩扉，乍寒城郭雨霏微。
三毛已愧風吹帽，三泐翻驚月授衣。
馬到功成高會在，西北警報方亟雁迴人遠。
故鄉違詩心老，共名心淡且任題糕信筆揮。

孫小榮太守

鑑

以宰樂平時撫松圖照屬題

青松何處無倚樹，誰結屋美哉孫使君。
衙齋蔭蒼綠，寄興或偶然。老幹見高躅，頻年邑被兵。
所至毀薪木，寇來絕斧斤。寇去禁樵牧，使君成鉅功。
使君享清福，君誠梁棟材。小用亦蟠蓄，意將存三徑。
盤桓遂初服，嗟嗟世多艱。此願未敢卜。

爲人題乘風破浪圖

一片飛揚跋扈聲，東西南北任長征。但逢豪傑行都順，或者風師亦世情。

熊小峯秀才

文龍

招飲書樓賦贈

層樓隱隱散清芬，相對衡門屬望勤。萬卷詩書千古在，一湖烟月兩家分。看花照影翻紅浪，種樹成陰結綠雲。別有精華藏不得，才名羣薦起徵君。

結得知交舊，又新笑談隨處見。天真醅思酒，羨能留客。癡幸書多，好借人乘興。蹇驢還獨往，忘機馴鳥亦相親。

風流儒籍皆仙籍誰道鄉媛有俗塵

法雲律堂被兵火毀久矣梅菴上入新葺數椽李
芋仙司馬置酒招同人賞菊胡硯生侍御有詩
次韻奉和並柬芋仙司馬梅菴上人

一睽雲房二十年依稀盧後興王前幸留劫地仍僧舍
轉感華堂亦墓田半日偶閒聊結客三椽纔定便安禪
要非白也扶輪手敢信名山別有天

謂芋仙司馬

跌宕梅菴又菊籬春秋佳會總游時英雄獨傳祠澆酒

時江西設採訪忠義局
硯生侍御實主其事

王客全圖座論詩斜日過江和

子良詩存

卷二十

十一

浪急亂雲歸岫得峯奇
友公護法須神駿作懶殘僧尙
未宜

看菊長歌呈王祝三都轉

華封

風流爲政逸轉忙
愛花所至成甘棠
官能愛花官不俗
況於羣花特愛菊
平泉花木世所誇
公謂豪艷輸寒葩
巡宣暫別當官路
嘯傲仍尋處士家
爲公歷數看花處
燕臺吳楚頻頻住
蠻烟瘴雨亦不辭
桂嶺雲連梅嶺樹
卽今願養暇復遊
江遊先訪百花洲
手關官齋作畦畛
竹籬茅舍無丹粉
燦出黃衣又白衣
幻成市隱還朝隱

我公愛花如愛民，鋤強扶弱培本根。我公愛花如愛士，但逢佳品收不已。士民愛花兼愛公，花時公樂與眾同。同是賞花聲唧唧，種花誰識公心力。盤根錯節數十年，花成公病心惶然。偶嘗百草開三徑，獨樂園闢世方競。公平病起民病蘇，調和秋肅爲春令。君不見萬里苗民羣待命，

時公奉命自楚來江督辦賑捐濟餉

劉養素方伯命題知足圖

一園一石几几上一瓶耳瓶供一靈芝一竹伴清美，公坐屹一身身外一童子爵壺手各一一甕一罇俟殷勤。

笑語公一一布置矣雖然更有請一事未敢擬奈何無
長物獨酒多且旨公曰學陶公能飲亦能止我公當世
才抱負實宏偉十萬甲胸蟠三千牘手理勲華在朝廷
福澤在鄉里若論報公德萬鍾豈足齒反覆窺厥容彷彿
喻以指功成一宰邱志如此而已東山樂則然北山
勞乃爾公足民未足時難賴公起

題喻采臣太史

秉綬

辨香圖照

爐香消得俗塵漫物外蕭然寄靜觀心自純儒身自佛
十年長坐石蒲團

纔登館閣便還鄉世亂疑輕翰墨場今日逢君忠義局
可能報國是文章

時江右設采訪忠義局修纂多君筆

晚秀山房圖采臣太史屬題

負郭田園繞郭山結廬長樂水雲間肥磽地異皆三熟
內外城同只一閒行處旌旗開里第望中帆席出江關
居人笑語春風裏記取看花得意還

泥畔馬牛仍跡幻雲中雞犬自聲頻畫圖仙客重來意
杖履先生未老身不放三春長綠水纔離十里卽紅塵

距城甚近轉思舊壘平居念仕宦能歸有幾人

龍雨巖大令

兆霖

屬題二圖

柯山觀局

不到樵柯爛安知世局新一山三益友千古幾閒人
冷熱忙中眼窮通劫後身憑誰將此意傳寫入紅塵

希音師宓

一落名場萬變翻蒼黎愁苦政繁難不知輿論從誰起
只解彈琴便好官

送陳南村司馬卓薦入都卽次留別元韻

使君纔出路相望歷歷長途薄薄裝

間治詔勤徵召杜送行詩好待錢郎商量上界官非足
料理前程客不忙惠澤便留春忍去李桃成實柳成行
英雄有酒趙州澆磊落弓旌舊見招萬里蠶叢消鐵騎
十年燕市醉金貂筋骸鍊久輕南北肝膽交深永夕朝
君正黑頭吾白髮可堪榮餞雪飄蕭

李秀峰秀才

乘時

屬題匡山讀書圖

一別匡廬舊隱居風塵逐逐久慚予解嘲反托高人跡
不到名山不讀書

贈曾佑卿觀察

省三

曾由庶常改官部曹出守
南康大吏特薦對調吉安

奉旨後不爲創旋
以軍功記名道用

曾公能政兼能詩誦詩聞政古所師政聲日起詩日進
官亦乍守而監司著作何功拋故紙詞臣亦復投筆起
明識雕蟲非壯夫却看倚馬爲才子四方多難甯勿悲
一麾出守安得辭薦剡需才拔抑塞

詔書破格移繁劇公平奏賦起明光始終政事皆文章
經綸不負二千石詩禮偏宜六一堂轉思南郡周朱繼
父老能言大經濟廬峰鬱鬱秀勿忘認取使君談政地
佑卿觀察屬題廬山觀瀑圖

卓犖懸空古不磨
靜中流覽悟平頗
可知直道江湖忌
三疊山泉九曲河

爲是雲烟態萬端
攬青憑翠儘盤桓
何山面目還能假
日日經人徹骨看

滿收清氣豁塵顏
長得公餘水石閒
讀律讀書兼讀畫
最匆忙處見官閒

莫堯翁思歸先爲送行詩以贈

手執回鞭住又揮
故鄉雲樹望依違
廿年蓬累團團轉
一路花開緩緩歸
且免爲機耕隴穩
不愁食雁在家肥

勞人例悔君平卜得失窮通計總非

模山範水作家居第一安排舊架儲仕宦已成傳治譜
子孫重讀諭蒙書買田下澳高人產卜宅中條隱士廬
愧我客中頻送客遂初徒賦願仍虛

承兒京兆試報罷就職知縣詩以教之

似罷方開局肯收却思何路展宏猷讀書豈以科爲貴
論仕終防學未優誰道家貧官可養古來恩重力難酬

出山友贈還山語吾老能歸汝識不

予出仕時劉三山先生贈詩有臨歧

我亦填胸淚可以還山便早歸之句予讀之涕零請先生摘成句屬對爲楹聯曰莫愁前路無知己可以還山

便早歸服官卅年此聯未嘗離
座今幸致仕良友贈言之力也

以統領饒防時所置兵器銷爲種花鉞鋤

十年舊兵器檢點皆塵埃嗟世方用兵而汝爲棄材見
材不棄世有幾百折千磨終鍊爾感恩誓願作同仇落
魄還思報知己君不見劉大刀王鐵槍大名器與人俱
揚未能並入寶玉庫豈肯長埋瓦礫場人事忙閒亦何
有種菜英雄種花叟叟亦曾負英雄名往日昂頭今俯
首恐傷爾志變爾形變成閒器付園丁披荆斬棘便無
力雜草栽花疑有情鐵乎能靜亦能動生厄甘爲主人

用主人感此淚滂沱碎鐵如意爲長歌

輓駱顯明節相同年

似君真不愧衰榮却話安危黯舊情
四十年前京館夜蕭蕭風雨雨書生

春眠

沉沉花氣重中客睡成魔只覺平生夢於春得最多

堯翁歸有期矣口占二十八字誌別

萬事到頭爭去路幾人得意肯還鄉
羨君出處先籌定不費營貲買草堂

送梁介伯大令歸里

報恩年少力能支十載功成百里移若論行藏纔發軔
偶逢勝敗未收棋庾規塵散污何碍宗慙風迴憤可知
破站兼程君習慣得歸偏覺路遲遲

微官易罪古堪歎任重權輕治事難竹律固應懲吏玩
蒲鞭終恐養民奸朝無白簡榮誰羨家有青氍幸不寒
乘興便回還復往苑枯行色付旁觀

大令宰武甯境出
劫案既獲賊訊供

解省獄局以案情重大訊不用刑賊供盡反案無
從結大令被議落職歸里謀納粟復官故詩云云

童景之廣文屬題畫白菜十六幅

雪蕤烟苗取次看淋漓墨色不曾乾披圖悟得徐家法
收斂才華一味寒徐文長畫灰菜至工有較量總是寒風味之句
枯槁何堪過一生堆盤背藕偶寒盟登筵畧放調和手
翡翠羹成即菜羹

輓譚覺軒司馬

音容曾幾日蒼莽倏難尋老母孤兒淚生離死別心未
同掉頭成短夢抱膝記長吟莫作傷貧歎遺編重似金
立志豪何補謀身拙未能萬金雙任累兩署南豐令百戰一
階升爲國忘家室於宮見友朋同人共助得免官累可堪風雨夜

回憶話寒鐙

唐母屈太孺人七十節壽同邑徵詩

唐籍湖南令子遺腹生

製錦崢嶸舞綵鮮孤鐙回首轉淒然三生未斷留英物
萬苦兼嘗得大年德在儉恭歐母教語含幽怨楚人篇
顯揚願遂偏偕隱翻羨榮親是買田

贈何鏡翁遊劉氏鄉園就近訪道院學坐功

爵爵知君不世才却逢佳勝亦懷開三春夢醒窺園去
百戰功成訪道來風月壇場喧又寂英雄情性樂蕙哀
菜花清淨桃花臘記共劉郎醉幾回

鏡翁爲予言劉氏一園分兩圃東圃

種花西圃種菜主人款客濃淡各適客亦動息自如即此見道趣云

答許仙屏太史見寄

翩翩鸞鳳起

皇州偏戀名山寄舊遊廿載訂交如一日片言投贈遂

千秋

曾蒙點定拙稿

出爲祥瑞知公是老見承平許我不鉅筆

即今

朝更重在廷簪又在邊籌

時方辦夷務

題呂新吾先生身家盛衰循環圖

有序

此圖所列人人有之時時有之不見則已見則

未有不悚然懼豁然悟者予既屬友人錄刊傳
觀並綴廿八字爲怵目警心之助

天運循環有長消不談因果理昭昭觀圖既罷還觀已
自問今居第幾條

題畫

不識幽棲過幾春靜看林壑動看雲丹雘破曉山堂報
火候今朝到十分

同人雅集五日一叙輪作主人謂之車輪會戲呈
會中諸公

茫茫人事劫成灰
悟去來今只此杯
五日一醒還一醉
懣懣過去是輪迴

輪迴計日已嫌遲
知己相逢便舉巵
轉羨都中蝴蝶會
各携一壺一
碟戲爲會名風流無主亦無期

讀道德經

昭昭黃老治同彰
萬口爭傳寶籍藏
不避刀兵惟道德
能通性命是文章
功歸神聖天疑懶
化到嬰兒日覺長
終恐秘書窺易誤
南華曾悔讀蒙莊

了無同異各精深
今古淵源重士林
只此五千言會意

依然十六字傳心象從恍惚機中見樂在逍遙局外尋
理學精華才吐屬卽論詞藻爛於金

君勿讀書二首

君勿讀書書先自誤蟲見書慕火見書怒

君勿讀書書終誤人家以書貧世以書昏

題李元仲

世能

寒支集

李閩人明諸生入朝爲僧事見本集中

國

蹤跡猶龍氣吐虹靈光一點未衰翁故殊面目防人識

不負鬚眉借佛空七子歌詩明氣數

前明詩社始相標榜繼相傾軋至鍾

譚遂爲亡國之音明詩綜所論如此

百蠻歸化越英雄滄桑變易邱墳在

展卷淒淒泣雨風

交友石方伯

文輝

命題洪山靖寇圖

洪山屬隨州
圖爲方伯備

兵漢黃德時平
土匪趙邦壁作

威摧白刃罡風折
喜動紅旂熱雲結
金粉精神楚畫圖

屏藩事業周符節
九州多事爭論勲
公初秉節歌從軍

八千恰起江東俊
十萬曾空冀北羣
烈山古郡洪山寺

舊是馬牛盤踞地

元季老馬牛盜據此
明初始命湯和平之

時平休養易忘

危偶值用兵妖復熾
攀幽陟險良亦艱
九泥一擲無重

關隨州烽火蔡州雪

冒雪陳師

歷盡浩劫如等閒
賊情至曲

吾以直賊力至勞吾以逸書上干言有客謀功成一笑
無人識路旁肅肅官軍馳城頭壓壓婦孺嚙卽看整暇
回鞭日轉想倉皇盡策時漢東之國隨爲大平楚爲公
圖楚隊楚材能用見公心安得全收敵王愾

明史永樂入篡嘉靖入繼歲皆壬午若有天意焉
斷句紀之

征誅揖讓適遭逢南北藩俱以帝終百二春秋爲一局
後先壬午紀年同

楊士奇

有序

偶閱明鄭曉今言類編載彭惠安公

諱

哀江南

詞敘述建文死義之臣至方遜志

孝孺

乃云後

來奸佞儒巧言自粉飾叩頭乞餘生無乃非直

筆蓋指西楊

士奇

輩修實錄書方再三叩頭乞

生者非實事也予舊有讀明詩綜絕句一首云

三楊一代姓名標史筆論詩恨未消赫赫勲名

慙正學受恩同在建文朝今閱類編彭詞所述

如此又西楊本方遜志所薦而忍於誣方益可

憤也復爲此詩題但書名示貶也

靖難功臣盡罪臣西楊穢史士林嗔叩頭求活成何語
正學猶誣況別人

寄何鏡翁帶勇有事東鄉兼柬撫州太守許星翁

時東鄉土匪
抗糧滋事

徹夜坐談兵曉適兵檄至坐言而起行爲君試經濟頻
年世多故民窮輒悍戾此行戢干戈又兼理賦稅應變
倉卒間具見平生志治兵不言功治賦不言利以此爲
經濟經濟固匪易

君示道德經爲我豁胸埃經皆道德言言兵乃七回禍

莫大輕敵

道德經中語

片言兵理該無爲是無敵有功卽有

猜性命苟不真勲業何能恢百戰博一笑戰勝天機開

倘念我贈語功成訪道來

予贈鏡翁詩有百戰功成訪道來之句故鏡翁以道德經

示教

大事不糊塗小事可糊塗使由不使知察察胡爲乎大

敵不足畏小敵實可畏君子防未然履霜堅冰至大才

而小心爲君想素襟辛苦任天地艱難成古今知交難

仄聲

奔赴肝膽互傾吐談笑見經綸治譜有名句

鏡翁與星翁以

舊交爲同事有唱和詩

七夕書懷

老夫情盡已忘機，乞巧看人巧屬誰。
烏鵲年年橋畔路，蜘蛛忽忽鬢邊絲。
長成兒女皆婚嫁，學到神仙只別離。
猶幸鄉風瓜果會，一杯從小至今茲。

粵鄉七夕詞

有序

客久思鄉良辰尤感吾粵七夕最重閨中年
年作會關巧相誇人影衣香如雲如夢拉雜賦此
聊當莊舄越吟不忘故土耳

艷福都歸此夕消，雕紅刻綠借元宵。

於初六夜作會預借元宵見俞文豹

清夜

織花爲幙干絲串

以素馨茉莉穿作簾幙

種豆成燈七日苗

盤栽豆穀外繞中空七日成燈光焰碧綠

寶鏡入盤蟾影滿

綵紵圓盤滿堆金碧謂之梳粧

盤

繡鞋出匣麝香飄

同會者各製織女鞋一雙備極精彩

珠光選得麻姑

米着手玲瓏簇翠翹

選米粘膠累爲車旗扇傘等物

百樣聰明一樣針燈前度罷轉沉吟

環拜穿針爭驗目力

花箋問

訛神仙語

取粵中歌本所謂花箋者拜空默祝揭占心事謂之拍花箋

蘭譜聯盟姊

妹心

各家女兒邀約爲會十姊妹之稱

破曉散齋疑祖餞

齋戒七日隔年聽

曲待君臨

每會必致歌女其尤者會散卽訂明年復來否則爲他家奪去

過江別有消

魂地望斷橋頭思不禁消

珠江青樓亦會七夕魂橋珠江地也

前詩敘述所遺尙多再作絕句二十章

撒手成橋事事工從來結撰只憑空千花萬寶拋奇艷

影落銀河作彩虹

珠玉錦繡裝飾爲橋

五色灰攢百子觴

灰子粘膠累成大杯

漏卮隨手作光芒人間天

上虛名耳北斗何須挹酒漿

如荼如火照紅閨佳種鼎鼎樹百枝因果乍談仙子笑

春華秋實在人爲

紫五色紗或錦紙爲百果燈

剪裁花草各精神刻劃丹青台又分洗出瓜皮如錦段

一枝銀管泐廻文

西瓜空腹留極薄皮通身雕花箋式嵌各體字燈光內微點畫具呈或用

抽子蘿蔔俱可
舉爪以例其餘

蜀錦吳綾取次裁筆揮絲繡及時健矣人名士神仙技

一夜功成送巧來

繡字畫
作掛屏

年年佳節肯誰違
曙殷勤戀翠幃
贏得酒闌燈灺後

賸香携取滿籃歸

銀絲或竹絲作籃滿
插百花懸掛四壁

料得蜘蛛恨滿胸
埋頭不遇苦求工
珠函玉匣重重護

無限心思只箇中

盒藏蜘蛛
織絲驗巧

盈盈河漢掛長空
纔落人間雨露蒙
怪得威靈稱聖水

動能敲爵靜敲蟲

相傳七夕人間無鵲盡赴天河成橋
也又汲河水供仙謂之聖水甕貯經

年水蟲不生
可治百病

登盤穀豆有根芽湧出祥符借物華一片空靈泡影幻

水中明月鏡中花

穀豆苗葉照水
窺形用占祥瑞

堆金積玉女兒箱爛熳焚餘盡寶光借問楮灰飛歲歲

可能十萬聘錢償

會中姊妹以至姐婢
競獻楮帛光怪陸離

事事安排七巧圖便將七姊喚黃姑

呼織女爲七姊供
具皆以七數不可

也雙星已勝嫦娥寡問小星多妒有無

金管吹殘玉漏催迎神風露立徘徊青青蚱蜢如青鳥

傳到仙河信息來

夜深花果時見
青蚱蜢謂仙到

及時行樂勿蹉跎兒女青紅此夕過臨嫁拜辭歸拜謝

世間媳婦巧無多

女子出閣便不入會
有拜辭拜謝之禮

買得良宵費幾何聘錢雖少釀錢多貲郎肯種金光草

或免耕田辦笠簑

排針爲囊編草爲笠
牛郎之供至樸且稀

香車寶馬走雙雙送嫁宜羞半面粧一樣良宵同惜別

忍教兒戲誤牛郎

幼童觀會謂
之拜牛郎

不惜心枯力苦辛年年花樣要翻新巧多更乞無餘力

又祝扶鸞賽紫神

每因乞巧
及此二事

瓜果遙開貝葉翻女兒心苦女兒歡折除福命都緣巧

今夕方知懺悔難

富家作會兼設經壇

百種芬芳滿盒中清齋分饋餽猶工有餘不盡來年會

送巧終應勝送窮

會散分送供物謂之送巧

儘教心力費經年只爲難逢是盛筵三日香風吹不散

半迎仙到半留仙

初六至初八作會三日以七爲期六爲迎八爲留

故鄉遙望唱迴波孤負佳期奈別何能動青衫司馬感

爲聽紅袖摸魚歌

粵歌曰木魚亦曰摸魚七夕必名歌女唱之

南城梅花至盛李芋仙弟將宰是邦作詩送行兼

訂乞花之約

南城轉眼南昌空卉木皆仙亦姓梅二本何妨分植去
一官原爲種蒔來也須飢渴知民望不厭蕭條對我開
首劇量移君念否陽春有脚占春臺

口占題擊楫圖送何鏡翁過江

英雄終不老塵中擊楫翻愁力易窮多少過江人物在
到頭只借一帆風

喜聞王柳樵弟以宰上高有政聲量移東鄉賦贈
一別三年問訊頻喜聞繁劇轉車裊莫將傳舍看游宦
要以官聲慰故人飢定催科循吏拙政成按部遠民親

扶衰救敝無窮事不負蒼黎却賴貧

黎碧山二尹苦需次無期將歸謀集貲過班知縣
詩以勉之

欲行不得行欲止不得止不止還復行一官非得已儒
冠多誤身脫從校尉起功成置閒散髀肉復生矣榮顯
要階梯攀援不可恃黃金古買貴徑孰捷於此輸粟或
乞隣指囷當助爾破家事功名男兒固奇偉他日官曹
清願以貧終始

送潘鳳岐大令北上將謀復官

鬱鬱何能了此生送君揮手事塵征必憎虞詡官纔起
不怨章情路易行燕雀處堂聊客舍驂驪開道即神京
長安再到誰強健三十潘郎困亦榮

喻采臣太史六十壽宴即席賦呈

潭潭深醜道長存也復華筵不厭喧登第入山高士貴
授經環坐大儒尊騎牛老子羣仙會司馬溫公獨樂園
敢以千秋爲聲君壽滿堂讀史笑傾樽謂忠義局修纂

送鮑伯熙太守孝光入覲

匆匆旋聚又旋分宦迹從來幻似雲作郡故人頻送客

過江才子怡逢君

賜書自合名家守泊譜何容俗吏聞日逐塵勞偏俊逸
風流終屬鮑參軍

此去登朝喜可知

國恩家慶兩咸宜董生望闕應陳策杜甫趨庭例紀詩
百事能擔方壯歲九州多難正平時因君轉爲升沉悟
際會風雲古有之

子良詩存卷二十一

番禺馮詢

官場考試

有序

大府新令官初到省除道府外約彙一二十員
丞倅牧令赴中丞署佐雜赴方伯署候上官出
題考試題無定式也仍列等第優拙優但循例
供職耳拙則飭令學習文理不通至被吏議江
令如此然凡屬諸生起家皆免考他省或概不
考或摘考或科甲亦考官場視為畏途詩以紀

之

得失茫茫局屢翻名場初入轉盤桓十年尚待中書考
一擲先愁下第官與吏論文才亦易無人薦卷遇終難
即今用武輕儒術莫漫多言策治安

偕同人集百花洲觀劇賞秋

寥落江干感不勝佳遊有興輒思乘林亭蘇圃三秋月
鼓吹梁園五夜燈與古爲徒人亦戲及時行樂老猶能
聲聞謝絕誰知我一笑登場已退僧

登豫章城樓

江城久不上上感舊時游旗戟女牆角舟車官渡頭人
聲喧到晚客思愴成秋二十年前事安危繫此樓

南國英雄墓西風將帥臺干戈無限恨鼓角有餘哀慷
慨談兵去艱難作宦來舊游傷過半倦眼爲誰開

劫火燒不盡法雲堂又新東西題壁處前後聽鐘人草
闌經營久花開問訊頻老梅欣健在謂梅巷上人幸我亦閑

身

茫茫生百感亂後看塵勞市肆茅千屋經兵火後城人
外盡築草房

家柳一濠地閑容杖履世盛賴弓刀却羨專城者乘時

易建旄

贈彭小山觀察

宗岱

交情金石久彌敦白髮相逢笑駐軒大老門閭松柏巷

小春時節李桃園

君寓松栢巷與劉養翁方伯比鄰時同飲方伯園中

溫公會客

看爲長賀監辭官隱更尊花草精神髣氣色知君培養

有根源

回首名場轉愴神茫茫墮溷又飄茵身經出處三朝仕

君與予仕江皆三十年同時出仕亦同時致仕同人有二老之稱

眼見升沉幾輩人磨

盾枕戈憂亦樂

寇犯豫章君與予同奉守城之役

敝簪遺履舊如新時

閒同志同爲客雖老隨遊不厭頻

食魚生

潑刺登盤片片輕絕清風味衆香成氣無烟火知誰食
胸有江湖快此生老圃菊花名士會故鄉蓴菜宦游情
惜騰大嚼饒休怪彈鋏長歌只爲卿

答姚慕庭大令詩信

終歲不出門何處逢知己詩成正黃花書到忽青李反
覆讀君書纏綿意無已上言樂朋簪下言勞宦軌動不
忘風塵靜不忘雲水思君一片心出處厚如此即今世

多故爭戰功名起新沐競彈冠誰念舊簪履故人書斷
絕毋乃杜陵恥寄書又寄詩感君意何似誦詩可聞政
吏有風人旨以愛友愛民君政可知矣元結撫流亡杜
亦詩表美指日報政成引領爲君企

觀蝸寄老人唐公

唐英

隸書遺墨

袁氏子才子才名一代雄同時愛才人低首推唐公
昔掌關樞九江關部任重祿則豐處脂乃不潤潤救才士窮
單寒已潤遍而公身不充揮擢至虧帑落職無憂容毋
乃累使君才士心沖沖惟才能愛才士仰公詞宗一角

琵琶亭千秋翰墨叢公今既往矣何人繼高風長使抱
才人弔古涕淚濃賤子生也晚恨不杖履從時復過潯
陽追勉求遺蹤遺蹤不可求遺墨幸適逢一幅好隸法
入古神氣逼公才無不能豈但六體工淋漓潑大墨想
見公心胸題詩感茫茫意與隨園同

高石簾貳尹節倖滿卓薦賦賀且勗

十年政始成官以閒報最舉世奔競忙閒者固卓異朝
廷重職守有職必有事丞尉曰命卿稱職良匪易奈何
葺闕材閒曹借尸位否則妄逞才擅受被吏議矣哉高

贊府學仕體用備有作不求名有欲不求利雖無煊赫
聲已有循良意政閒心不閒此意早熟計斯職但贊襄
似隨人位置試看同時官得失閱幾輩君任十年穩無
躁無沈滯俸滿請驗看拙吏忽能吏強敏而勤能考語年強
才敏辦事勤能考語豈無謂考績賢則遷晉秩亦循例我思黃
老政清淨見實際有爲始無爲道德經可味君今煥新
猷勿忘篤故志勿愛大官職亦勿誇能泊曹參守成耳
相業古經濟

掛杖

藜杖雖存掛壁間，閉門不出食眠安。
前途便濶休輕赴，老靠扶持步步難。

賞菊歎

孤霜負露驚風沙，秋園有菊遲無花。
故人知我有花癖，惜我花時苦岑寂。
凋爛錯落羣送將，頡教老圃生顏色。
有花勿問花由來，及時亟賞傾樽罍。
亦謝故人惠我意，酒酣各述司花才。
客花爭艷園花醜，嗟我園丁難免咎。
豈知竊竊別有辭，似對主人欲分割。
百法栽培不見從，一年灌溉空奔走。
寄人離下敢言功，枉使才名落人後。

老夫感此思行軍軍中謀士何紛紛一朝失勢競藉口
吾謀不用非無人嗚呼用人勿疑疑勿用毋使碌碌者
附鳳攀龍鱗

寓樓晚眺

蕭蕭雙鬢影婆娑乘興登樓奈晚何一樣蒼涼斜日色
斷橋殘寺得偏多

追悼王楷堂刑部師

廷紹

蹉跎安用受恩知百折無功兩鬢絲轉憶成名登第日
乍聞高唱立階時

詢聞卷試帖最蒙師賞初謁時師從後堂朗詠數句而出表頭黃

尾爲公榜

庚辰會試詢與陳三元繼昌闈卷同出師房而詢列三甲最後數名爲殿榜也

宣敬

崇親愧我癡五十年前重細數升沉榮落竟留誰

師門望斷淚沾巾無後惟存翰墨因邊氏五言推此手

用明邊貢市師著澹香齋試帖名重海內七家詩選爲歷卷

中郎萬卷付何人西山

石立新神鬼

師舊藏筆硯長丈闊尺今不知落何處矣

北海樽空舊主賓師性

豪飲不負淵源今古幾顯榮猶愧况沉淪

示畢孫女

老人愛子孫孫女愛尤篤愛汝念汝身迷之轉欲哭汝
本吾姪生繼爲長媳育媳早寡無子借汝慰似續今汝

子良詩存

卷二十一

六

既長成有弟共和睦汝母稍開心男女嗣並足爲汝慎
擇壻畢氏實望族汝翁名進士作江西令牧與我屬同
寅家世知至熟汝已愛若珠壻又美如玉詎料嫁一年
汝遽痛慟獨汝弟幼依依汝母愁慼慼汝祖哀老年此
景忍入目幸汝翁未老現有同胞叔生子先繼汝否極
泰當復

朝廷重節孝旌表顯芳躅况汝德性純天必錫厚福惜
汝祖老矣親見未敢卜紀實爲此詩知汝慘難讀

李純仁上舍屬題楓林停車圖照

紅樹青山繞綠蕪最清寒處
彩紛敷無端借得黃荃筆
繪出秋容五色圖

少壯馳驅老息肩回頭雲樹黯如烟平生此景經多少
忽地迷離又眼前

爲朱芝仙幕賓題獨坐圖小照

寂寂閉門老潛夫興發忽披行樂圖圖形寫出山澤癯
離花石竹園不蕪隻影偏耽枯坐枯聞君却讀申韓書
世亂况值操矛弧幕府多才登仕途名場追逐繁有徒
君也落落凡才殊白筆不求拖紫朱功成長揖歸吾廬

即看圖景清且孤名士身外長物無案但茗椀兼香爐
我意欲添一酒壺爲君引興撚吟鬚君既自題吾亦塗
相與大笑歌于子

呈劉硯莊中丞

坤一

三載勤勞萬象歡幸依仁宇重盤桓蠻疆亦定干戈戰

公蒞兩粵陳臬開藩
粵寇既平開府江右

魯壁能修俎豆安

江右文廟祭器
日久頗壞公督

官紳設局重
修文教振起

吏尚慈祥求召杜客防深刻戒申韓

最重
幕客

合省吏轉思治術皆儒術歐老文章此大觀

望懸霄漢敢追陪垂老銜恩怨酒杯憂樂許談承不棄

起居勞問愧非才
烽烟久靖閉身托雲日重瞻倦眼開
況是部民歸更戀兼圻還祝我公來

賀何鏡翁統領江軍兼任忠義局總纂

武緯文經兩不虛
君才得地竟何如
龍身世飛龍會
上馬戈矛下馬書
花柳出城巡使路
酒燈談席故人廬
無端重任惟眞賞
知己難酬願勉諸

過高橋瞻仰 聖廟敬作

無端王教動兵荒

外夷搆毀聖廟藉口和議許設天主堂

一水圍橋道渺茫

能別華夷惟

聖顙要收豪傑以儒倡

兩廡從祀
歷稱先儒

栖栖道左招搖市肅

肅宮前偃僂牆慚愧宦遊朱陸後干城何補貢斯鄉

次韻和錢文端蔣太史贈寫榜吏陳巨儒詩

有序

朱鐵梅孝廉江城舊事載錢文端庚午典江西
試寫榜吏陳巨儒求公手迹爲榮自陳年七十
手寫文武試三十二榜矣公贈詩云桂籍憑伊
腕力傳白頭從事地行仙自言作吏中書省曾
侍朱衣四十年十月復寫武榜解元則其孫騰
蛟也名初唱掀髯一笑筆墮於地中丞阿公喜

極介藩司彭公家屏索蔣蒼生太史贈詩濡筆
立就詩云榜頭題處笑開眉六十年來髮若絲
官燭兩行人第一夜闌回憶抱孫時予三度分
校江闌見寫榜例從第六名起至榜訖始倒寫
五魁一時闌中官吏僕役萬燭齊燒高舉圓榜
謂之照魁滿堂喁喁笑語不禁其燭歸遺親友
謂可辟邪亦佳話也寫榜吏孫得解首中丞喜
索名士題詩紀事當時闌中歡呼光景更可想
見尤佳話之足傳者讀二公詩感舊戲和成此

二篇

一笑開懷便可傳居然小吏大羅仙却思得失須臾事
轉眼三回忽廿年

深淺誰還問畫眉風塵憔悴老衰絲萬條紅燭三聲炮
驚陳翁墮筆時

己巳元旦

聖人世界老人窩一醉逢春帶笑酡禮爲拜難援例減
詩因吟久紀年多故遲婚嫁留餘慶幸飽酸辛得太和
百二十稱今古壽若論覽揆半生過

嵇康養生論上壽百二十古今皆同

予今年七十四歲矣
引此解嘲一何可笑

元旦奉柬梅公

爆竹千聲酒百卮
書紅例賦紀元詩
懷人卿相吾無分
不寄山僧欲寄誰

久寒隱體浴始知
垢背尤觸癢甚礙爬搔得二句
云未到浴時污不覺至難搔處癢偏多戲
登元旦韻足成之

所居安樂卽行窩
何養形容得醉酡
未到浴時污不覺
至難搔處癢偏多
地無塵土蹤原僻
天有風霜氣始和

便是蹉跎閒自在三椽破屋十年過

咏歌妓出籍

酒盡燈殘首重搔餘音嫋嫋舊檀槽含羞別院歌娘怯
買笑傾家估客豪有地種花隨處艷無人顧曲爲誰高
雲英未嫁居然嫁老不成名愧我曹

贈章滁山明經

綬

城市山林了不分先生長健往來勤老彭僅見無前輩
臣朔頻歸有細君伉儷至篤日出夜返老不離家百劫神仙惟自在七
旬童冠未離羣詞壇大敵經堂主提唱南州此一軍

名場碌碌愧吾曹致仕偏蒙好語褒我意宜藏鳩本拙

誰言不舞鶴爲高

予致仕詩和者甚衆君起二句昨日登薦牘今日遂初服至親切故及之

棋逢賭墅難攀謝詩到歸田易和陶畱取西山一片石

爲君磨礪割雲刀

君工隸篆富有碑楊

景運

髮匪捻匪以次肅清因有是作

景運宏開劫運消兩階千羽化三苗重熙累洽曾無恙

不借中興頌

聖朝

李明齋自畫兩金魚屬題

雙雙遊泳忍忘諸變化無端換鯉魚金紫上身容易事
只愁斷絕故人書

春湖雜興

亭院千間柳萬條尋春遊客互招邀石長木短參差見
借問東湖有幾橋

製得輕舟逐浪頻去來無定只湖濱深深曲港花迷路
但聽歌聲不見人

人面鮮紅佛面青水觀音閣望熒熒平分三昧塵中火
半作河燈半路燈

眼見魚多釣戶貧一竿無賴似含嗔法條禁到漁家樂

不識湖中住甚人

官條示禁
釣而不網

朱闌隱約綠林隈隨意登臨日數回小小一樓容幾許
江天花月盡情來

萬壑千峰遶四圍未窺真面眼先迷春山怪得逢人笑

遠似長安只望西

西山遙遙
環繞湖上

寂寂花時閉寺門清齋長供佛堂尊無人識得茶瓜味

孤鶩名山古灌園

古灌園
寺名

冷似冰霜熱似雲一般春色寂喧分徐亭蘇圃得無火

飛上滕王閣便焚

十年來滕王閣兩毀於火

亦復一聲平地雷
交闐光照望中開
龍門倒影湖長見
幾箇魚兒變化來

芳草萋萋故壘悲
烽烟纔盡野烟炊
老兵飽飯閒營坐
重話當年守禦時

英雄今日竟畱誰
劫去春來亦可悲
香火寂寥燈月闌

無人知是二公祠

張江二公祠

若論湖山景物幽
不宜春色只宜秋
豈知秋興春無異
賞菊曾傳菊部頭

答周蓮叔大令

長森

虔州詩函

翩翩儒服忽簪纓
文采風流早識名
百里弓旌新令尹
十年書劍舊諸生
爲親捧檄貧無恙
對客揮毫政亦成
奏績預籌他日考
一官一集是能聲

利名場散友朋疎
一紙珍於贈珮琚
離合事難垂老後
浮沉書況用兵餘
三千作客知誰在
四十專城看爾居
忽憶舊遊烽火惡
虎頭州畔屢停輿

蔡小園先生遺照爲其令嗣耀甫世兄屬題

大江江水東西流
宦遊逐逐兼尋遊
三千案牘三十載

君乎佐我同樂憂憂樂勞勞已如此況逼亂離判行止
死生契濶誰能料我老尙存君已矣君性與俗殊論世
長嗟吁謂十年一變一變宜一圖圖成索我題不已等
是尋常行路耳丹青生面總徒然鐵券猶殘況一紙此
幅圖之終颯颯猶英風置身瀟灑情則雄却恐神傳後
世見不得鍾家畫壁悲填育思君愛君佳子弟切勿交
情綿兩世可堪床下拜梁松執卷求題重揮涕君今成
佛成神仙茫茫人事皆雲烟老懷慘澹驚忽吐瞥眼逢
君方壯年

君寂近六旬圖
則四十時作耳

畢宜清明府亮像贊

詩書萬卷仕宦十年出身霖雨過眼雲烟乍得乍失亦
勞亦逸終始一官枯榮幾日樸訥非愚淡寂非癯外無
倖遇中有壯圖似水官聲如山家累勉矣孤兒傷哉廉
吏

春寒

天禁穠華慘如許雨風徹夜停機杼草裊花毵織不成
十旬閒煞勾芒女濕雲壓幙曉氣淒重義欲襪未襪時
春婆老死只在夢珠簾日午長垂垂黍谷陽回吹弗動

百轉流鶯驚舌重報晴鐘鼓悄無聲銀甲彈冰絛影凍
二十四番芳信催白紵玉郎來不來泥塗一日幾兩屐
尋春欲出還遲迴客有熱腸拋豈得重約圍爐話沉寂
借箸猶能撥劫灰英雄入世無寒色

蕭隱風少尉鎮荊屬趙周松岩畫猴

春花秋月水雲鄉儘爾超騰過景光一着衣冠拋不得
莫輕游戲誤登場

生孫女

生男歡喜女愁歎豈是人情此獨頑一樣望孫如望子

愚公長有未移山

憶吳城

予任吳城同知十五年

雲水流連歲月拋一官長任穩於巢攜兒望又攜孫望
廬嶽匡君是世交

以紫藤凌霄兩種送植豫章書院呈山長胡硯生
侍御

豫章風動雲日開先生卓然坐講臺

殿前草已指佞去林下水又求聲來爛於霞錦清於水
館閣聲華有如此文章舊價自蓬萊雨露新陰正桃李

先生樂育興倍饒有材必致暮復朝蒸蒸日上見金紫

老藤跋地花凌霄我聞洞桂老不劫

謂鹿洞書院紫陽所植老桂

照

耀雲霄好枝葉紫藤亦是紫陽株心香一瓣先生接名

花滿地落無言先生別有真賞存綠陰似水宜開徑白

畫無塵亦閉門

課必局門

天地生才靡不有裁成要借先生

手舒士纔停問字車故人亦載論文酒老夫倦跡掩蓬

蒿任近公門望轉勞一座春風爲世重百年喬木以人

高

寄夏鄉懷

有序

吾粵繁華冠各省所以有少不入廣之語珠江
消夏繁華又冠四時沙蟬喊荔枝熟木棉花開
狗虱來皆粵諺也歲時景物今古不殊近三十
年來潮州絲竹糊紗作扇翬工極巧重價爭購
茉莉素馨滿撒妓筵謂之堆花席甚且爲花籃
花幕更爲花船畧舉一物一事他物他事之繁
華可概見矣物極必反經亂索然繁華終非美
俗也離鄉過夏感賦此篇

珠江風景夏尤佳亂後思鄉首重回漸聽沙蟬知荔枝

轉嫌狗虱怕棉開客來竹貴家家扇妓散花殘夜夜杯
莫問舊時歌舞地劉王宮苑越王臺

友自吳城來談浙甯會館感舊有作

吳越繁華此劫灰遊蹤重話倍愁催安危在局爲孤注
去住如輪計六回厓樹有神今更古野花無主落仍開
不知舊句還存否遶壁巡牆幾客來

題曾廉叔太守驅車圖

圖繪牛車太守宰淮
西時辦軍務作也

軍書督促豈能休汗馬功多到汗牛憐汝欲將何物買
亂來刀劍世方收

使君司牧重循良縛軌雖勞汝勿傷猛將終勝殘酷吏

只求赤汗不征黃

宗澤請免牛黃稅與循吏事也

與徐竹西世講街論詩

論文必正始論文必老蒼年少學有識君才豈可量多
謝貽我詩鑒別精且詳我何以報君仍勉君所長識卑
才易陋識高才易狂從古論士學器識後文章勿謂老
生談甘苦老備嘗

古人患書少今人患書多到死讀不通邢邵奈書何
卓哉李攀龍似狂諾不磨秦漢後不讀天寶後不哦須知

漢唐前典籍已紛羅愛以博不專路以歧易頗未古漫
及今文成好亦阿況乎必無成歲月空蹉跎

君詩學六朝取法亦已高齊梁乃綺靡論者頗不褒謂
是艷體開古音固獨操其旨本變雅其聲爲離騷古艷
終在骨俗艷皆皮毛綺靡不可及古今爭釐毫

博學不成名一語遂千秋文章固有數天定仍人謀所
以杜少陵不驚人不休晉始有警句古不矜詞修風會
顧已開精華發難收必慕山澤癯恐雜衣冠優平生怕
假詩以警定去留佳句非敢耽實事而是求君誠學有

無不爾斯言也